

Fundargerð 946. fundar

stjórnar Sambands íslenskra sveitarfélaga

Árið 2024, föstudaginn 15. mars kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Heiða Björg Hilmisdóttir, Einar Brandsson, Einar Þorsteinsson, Freyr Antonsson, Guðmundur Ari Sigurjónsson, Hildur Björnsdóttir, Helgi Kjartansson, Nanný Arna Guðmundsdóttir, Rósa Guðbjartsdóttir, Walter Fannar Kristjánsson og Jón Björn Hákonarson.

Margrét Ólöf A. Sanders boðaði forföll, varamaður hennar Helgi Kjartansson mætti í hennar stað.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Grétar Sveinn Theodórsson, Helga María Pálsdóttir, Þórdís Sveinsdóttir og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Skattlagning orkuvinnslu - 2306025SA

Lagt fram erindi frá Ásu Valdísi Árnadóttur, formanni stjórnar Samtaka orkusveitarfélaga. Einnig lögð fram skýrsla starfshóps um skattlagningu orkuvinnslu, dags. 24. janúar 2024. Ása Valdís Árnadóttir, Jónína Brynjólfsdóttir og Guðný Birna Guðmundsdóttir frá Samtökum orkusveitarfélaga sátu fundinn undir þessum lið ásamt Hilmari Gunnlaugssyni, formanni starfshóps um skattlagningu orkuvinnslu, sem kynnti niðurstöður starfshópsins.

Stjórn sambandsins fagnar því að fram séu komnar tillögur um breytingar á skattlagningu orkuvinnslu. Mikilvægt er að í kjölfarið verði mótað frumvarp þar sem málið er nánar útfært og hvetur stjórn fjármála- og efnahagsráðherra til að ganga hratt til verks í þeim efnum. Við þá vinnu sé mikilvægt að áfram verði haft gott samráð við sveitarfélögin og vinna að breiðri samstöðu um málið.

2. Fundargerðir 944. og 945. fundar - 2309033SA

Lagðar fram til kynningar fundargerðir 944. og 945. fundar stjórnar sambandsins frá 23. og 28. febrúar 2024, sem undirritaðar hafa verið með rafrænum hætti.

3. Verkefnisstjórn fyrir hagsmunagæslu í úrgangsmálum - 2210013SA

Lögð fram fundargerð 94. fundar verkefnisstjórnar fyrir hagsmunagæslu í úrgangsmálum frá 19. febrúar 2024.

Stjórn tekur undir bókun verkefnisstjórnar undir lið 2 í fundargerð, meðhöndlun dýraleifa. Mikilvægt er að leita leiða til að skapa hvata til að dýraleifar skil sér fremur í farveg aukaafurða dýra en í úrgangsmeðhöndlun. Greina þarf í því samhengi ábyrgð handhafa aukaafurða dýra á að koma því sem til fellur í slíka

farvegi. Stjórn felur framkvæmdarstjóra að óska eftir fundi með umhverfis-, orku- og loftslagsráðuneytinu og matvælaráðuneytinu um málið.

4. Staða kjaramála - 2301032SA

Formaður samninganefndar sveitarfélaga gerði grein fyrir stöðu kjaramála í mars 2024.

Stjórn Sambandsins lýsir yfir ánægju með kjarasamninga til langtíma sem vonandi leiða til ríkrar sáttar á vinnumarkaði. Mikilvægt er að ríki og sveitarfélög hefji vinnu við útfærslur á gjaldfrjálsum skólamáltíðum sem kynntar verða sveitarfélögunum. Í því ferli er mikilvægt að virða sjálfsákvörðunarrétt sveitarfélaganna.

5. Áskorun til sveitarfélaga - 2301032SA

Lagt fram bréf framkvæmdastjóra sambandsins sem sent var til allra sveitarfélaga, dags. 8. mars 2024 í kjölfar undirritunar yfirlýsingar um stuðning ríkisstjórnarinnar og Sambands íslenskra sveitarfélaga vegna kjaraviðræðna í mars 2024. Jafnframt lagt fram bréf framkvæmdastjóra sambandsins sem var sent til allra framkvæmdastjóra sveitarfélaga 13. mars 2024 vegna áskorunar til sveitarfélaga í tengslum við kjarasamninga.

6. Landssamband ungmennafélaga - samstarfsbeiðni - 2401032SA

Tekið fyrir að nýju, áður á dagskrá stjórnar sambandsins 26. janúar 2024, en þá var málinu frestað.

Stjórn tekur jákvætt í erindið og felur framkvæmdastjóra að ganga frá samstarfssamningi við Landssamband ungmennafélaga í samræmi við umræður á fundinum.

7. Tilnefning í stjórn námsgagnasjóðs - 2401019SA

Lagt fram til kynningar bréf sambandsins til mennta- og barnamálaráðuneytisins, dags. 21. febrúar 2024, þar sem Sigríður Hulda Jónsdóttir, bæjarfulltrúi í Garðabæ, er tilnefnd í stjórn námsgagnasjóðs.

8. Tilnefning í Íslenska málnefnd - 2312029SA

Lagt fram til kynningar bréf sambandsins til menningar- og viðskiptaráðuneytisins, dags. 11. mars 2024, þar sem Marta Guðjónsdóttir, borgarfulltrúi og Grétar Sveinn Theodórsson, samskiptastjóri sambandsins, eru tilnefnd í Íslenska málnefnd.

9. Tilnefning í starfshóp um eftirfylgni verkefna sbr. samkomulags milli ríkis og sveitarfélaga um breytingu á fjármögnun í þjónustu við fatlað fólk - 2402026SA

Lagt fram til kynningar bréf sambandsins til félags- og vinnumarkaðsráðuneytisins, dags. 11. mars 2024, þar sem Helga María Pálsdóttir, sviðsstjóri stjórnsýslusviðs sambandsins og Ólafur Þór Ólafsson, sveitarstjóri Tálknafjarðarhrepps, eru tilnefnd í starfshóp sem hefur umsjón með eftirfylgni verkefna sbr. 10. gr. samkomulags milli ríkis og sveitarfélaga um breytingu á fjármögnun í þjónustu við fatlað fólk.

10. **Tilnefning í starfshóp til að vinna að þróun og nýsköpun í þjónustu við fatlað fólk - 2402024SA**
Lagt fram til kynningar bréf sambandsins til félags- og vinnumarkaðsráðuneytisins, dags. 11. mars 2024, þar sem Katrín Harpa Ásgeirsdóttir, verkefnastjóra á velferðarsviði Reykjavíkurborgar, er tilnefnd í starfshóp til að vinna að þróun og nýsköpun í þjónustu við fatlað fólk.
11. **Tilnefning í námsstyrkjanefnd - 2402006SA**
Lagt fram til kynningar bréf sambandsins til mennta- og barnamálaráðuneytisins, dags. 11. mars 2024, þar sem Valur Rafn Halldórsson, sviðsstjóri þjónustusviðs sambandsins, er tilnefndur í námsstyrkjanefnd.
12. **Tilnefning í stjórn Úrvinnslusjóðs - 2306029SA**
Lagt fram til kynningar bréf sambandsins til umhverfis-, orku- og loftslagsráðuneytisins, dags. 11. mars 2024, þar sem Anton Kári Halldórsson, sveitarstjóri Rangárbings eystra, og Hrefna Bryndís Jónsdóttir, framkvæmdastjóri Sorpurðunar Vesturlands hf., eru tilnefnd sem varamenn í stjórn Úrvinnslusjóðs.
13. **Tilnefning í starfshóp um samræmda skráningu og gagnaöflun milli sveitarfélaga og þjónustusvæða - 2402028SA**
Lagt fram til kynningar bréf sambandsins til félags- og vinnumarkaðsráðuneytisins, dags. 11. mars 2024, þar sem Helgi Aðalsteinsson, hagfræðingur á þróunarsviði sambandsins, er tilnefndur í starfshóp um samræmda skráningu og gagnaöflun milli sveitarfélaga og þjónustusvæða.
14. **Endurtilnefning í ráðgjafarnefnd vegna innleiðingar og eftirfylgni aðgerða til að auka nýliðun kennara - 2402036SA**
Lagt fram til kynningar bréf sambandsins til mennta- og barnamálaráðuneytisins, dags. 11. mars 2024, þar sem Svala Hreinsdóttir, sérfræðingur á stjórnsýslusviði sambandsins, er tilnefnd í ráðgjafarnefnd vegna innleiðingar og eftirfylgni aðgerða til að auka nýliðun kennara.
15. **Umsögn um drög að reglugerð um sjálfbæra landnýtingu - 2402033SA**
Lögð fram til kynningar umsögn sambandsins til matvælaráðuneytisins, dags. 22. febrúar 2024, um drög að reglugerð um sjálfbæra landnýtingu, mál nr. S-3/2024.
16. **Umsögn um drög að frumvarpi vegna endurskoðunar örorkulífeyriskerfisins - 2402040SA**
Lögð fram til kynningar umsögn sambandsins til félags- og vinnumarkaðsráðuneytisins, dags. 29. febrúar 2024, um drög að frumvarpi vegna endurskoðunar örorkulífeyriskerfisins, mál nr. S-43/2024.
17. **Umsögn um drög að frumvarpi til laga um breytingu á lögum um opinber skjalasöfn - 2403008SA**
Lögð fram til kynningar umsögn sambandsins til menningar- og viðskiptaráðuneytisins, dags. 7. mars 2024, um drög að frumvarpi til laga um breytingu á lögum um opinber skjalasöfn, mál nr. S-22/2024.

18. Umsögn um drög að frumvarpi til laga um högun upplýsingatækni í rekstri ríkisins - 2403007SA

Lögð fram til kynningar umsögn sambandsins til fjármála- og efnahagsráðuneytisins, dags. 7. mars 2024, um drög að frumvarpi til laga um högun upplýsingatækni í rekstri ríkisins, mál nr. S-52/2024.

19. Skýrsla til umhverfis-, orku- og loftslagsráðuneytisins vegna verkefna 2023 - 2201030SA

Lögð fram til kynningar skýrslan til umhverfis-, orku- og loftslagsráðuneytisins vegna verkefna 2023.

Fundi var slitið kl. 15:20